



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Victoria Virg. Et Mart. 11. Februarij.

**urn:nbn:de:hbz:466:1-42032**

S. VICTORIA VIRG. ET MART.  
II. Februarij.

**G**eminum VICTORIA triumphum duxit: de Amore unum, de Tyranno alterum. Vter pulchrior fuerit, tute arbiter esto. Anno igitur salutis trecentesimo tertio, quod Christiani & cœtus pietatis causâ agerent, & sacros Codices profano judici tradere recusarent, Diocletianus & Maximianus Imperatores omnibus tormentis in hos pugnarunt. Sed quidni vincerent Christiani, quando felicissimo omne ex horum parte VICTORIA stetit, virgo in ipsis cunis magna, magnisque signis jam tunc futuræ sanctitati præludens? Illud unum quantum facinus fuit, cum obstrepente aribus castissimis Hymenæo, sponso mortali in amplexus ruente, ut hos eluderet, quando alas non habuit, animos sumpsit, & è summo recto præceps abiit, innoxia templum petiit, verbisque conceptis sponsam. Deo se devovit, frustra homine interea nubes spargente, quas illa cum rebus aliis humanis dudum reliquerat. Igitur meritò de Victoria ju-dex desperavit, & ne à feminâ triumpharetur, in columem cum fratre domum ire à tribunalii jussit. Sed negavit illa pedem è pugnâ referre, negavit fratrem se agnosceré, qui non eundem patrem (Deorum cultui abdictissimus erat) Christum clamaret. Itaque latâ mortis sententiâ virginis palmam invitus index cessit. Interea nunquam sepius Superi VICTORIAM clamarunt. Ex Surio.

Nos qui ad incerta consurgimus, qui inter insidias diem ducimus, qui horarum varicetes, momentorū motus, uerberū lapsus, actuum pericula sustinemus, quia

quid est, quod matutinâ prece totius diei custodianus nolumus postulare? quid est, quod homini toto tempore astare libet, Deo nec puncto assistere libet? S. Pet. Chrys. scr. 34.

## S. A N T O N I V S E P . 22, Februarij.

**I**N videbis juventus suum ANTONIO puerulo Doctorem. Hic, si nescis, S. Spiritus erat Hoc, neque alio magistro primas ille literas didicit. Et verò Minerval cælo dignum persolvit; sive cum ludentis pueritiae societatem aversatus viro dignâ puer egit, aras struxit, aris thura, & qua thure sua vius olent apud Superos, preces dedit; sive cum postea mundo totum sese surripuit Numinisque cultui inter monachos mancipavit. In hac quoque virtutis scholâ tam profecit ANTONIVS, ut in suam deinde sententiam mundique contemptum etiam parentem pellexerit. Et vidisses tunc grandevum parentem sub filii disciplinâ adolescere, vitæ rationem à filio discere, jamque in filio parentem agnoscere. Sed hoc quoque mortuo ANTONIVS in hereditatem miseris evocavit. At cum in tot heredes non sufficeret illa, ingentem aurum Angelus auctarium adjecit. Plura deinde Episcopatus Constantinopolitanus suggestit, ut insula jam non tam ANTONIVM quam miseris regeret. A morte mulierem, quæ crus fregerat, ut fonus comitari posset, in pedes erexit, & ut heredes suos neque mortuus videretur neglexisse, crescere, quæ tunc erogabatur, inter manus stipem fecit. Odor, denique mirus etiam in cadavere virtutem laudavit. Ex Niceph. apud Sur.

Esto homo, esto & Dei sacrificium & sacerdos induere sanctitatis stolam, præcingere baltheum castitatis.